



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. VI. De pœnis illegitimè, & contra juris prohibitionem eligentium.

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

perunt, prout etiam jam olim statuit *Clementina 2. de aetate & aequalitate*. &c. Cum autem nemo Subdiaconatus ordinem juxta *Trident. sess. 23. c. 12. de reform.* suscipere possit ante 22. annum inchoatum, consequenter etiam ante hunc annum de jure novo, nemo ad Episcopi in Ecclesia Cathedrali electionem admittetur.

§. VI.

De penis illegitimè, & contra juris prohibitionem eligentium.

Resp. 1. Qui præsunt electioni, per abusum secularis potestatis, de se facta consentire, nullum ex tali electione commodum habet (cum talis electio, ut supra dictum, nulla sit) & ad omnem dignitatem Ecclesiasticam ante dispensationem (saltem ab Episcopo obrentam) inhabilis est. Illi verò Clerici Capitulares, qui taliter electionem sceler, & voluntariè celebrare præsumpserint, eligendi potestate pro eà vice, ipso jure, privati sunt, & per judicem Ecclesiasticam in poenam ab officiis suis, & beneficiis per triennium suspendendi sunt, ut decidit Pontifex in *c. quisquis 43. h. t.* Censetur autem per abusum secularis potestatis electus ille, ad cujus electionem inter eligentes admissi fuerunt, sine privilegio Pontificio, laicales; vel si ante aut post electionem consensum secularis potestatis, quasi de jure ad legitimam electionem necessarium, requisiverunt eligentes, cum in utroque casu libertas Ecclesiastica patiatur: & quamvis secularis potestas adesse possit Ecclesiae, aut Monasterio, de cujus electione agitur, ut contra discolos, & pacis perturbatores Capitulum defendere possit, putant tamen

valdè probabiliter aliqui, quod ipsi auctui, in loco electionis interesse non debeat.

Resp. 2. Qui contra formam in jure Canonico in *c. quia propter 42. h. t.* præsriptam eligunt, potestate eligendi pro eà vice per Ecclesiasticum judicem sunt privandi, prout patet non tantum ex *relat. c. quia propter §. qui verò*, sed etiam ex *c. Cumana 50. h. t.* conveniens enim est, ut quis in eo puniatur, in quo peccavit, cum ergo hi tales in eligendo peccaverint, in eligendo etiam puniri debent, auferendo ab illis pro eà vice jus eligendi: si tamen eligerent iterum, priusquam per sententiam judicis eligendi jure privarentur, subsisteret talis electio, utpote facta ab illis, qui jure eligendi nondum privati fuerunt.

Resp. 3. Qui eligunt aliquem in Episcopum, aut aliam Prælaturam, contra prohibitionem *c. cum in cunctis 7. h. t.* (minorem scilicet ætate, illegitimum, malæ vitæ hominem, illiteratum, aut alio juris defectu laborantem) si scienter id fecerint, ipso jure privati sunt pro eà vice eligendi potestate, & insuper suspensi sunt ab Ecclesiasticis beneficiis per triennium, juxta *relat. c. cum in cunctis* ubi rationem etiam reddit Pontifex eo quod scilicet dignum sit, ut quos Dei timor non revocat à malo, saltem severitas Ecclesiasticæ disciplinæ coërceat) quod ipsum etiam habetur *c. dudum 22. h. t. & c. si compromissarius 37. eod. in 6.* & si Simoniacum elegerint, eam insuper poenam incurrunt, ut non possint durante suspensione ad dignitatem Ecclesiasticam in illa Ecclesia, cui scienter Simoniacum elegerunt, assumi, prout constat ex *c. per inquisitionem 26. h. t.*

§. VII.

§. VII.

Ad quos pertineat potestas eligendi, quando Capitulares elegerunt indignum?

IN casu hujus §. vel aliqui tantum Capitulares indignum scienter elegerunt, vel omnes; si aliqui tantum, potestas eligendi penes illos remanet, pro hac vice, privatis aliis, qui in electionem indigni non consenserunt, licet numero pauciores sint, quia in his, etiam si unus tantum esset, remanet jus Collegii *Gloss. in c. perpetuo 7. h. t. in 6.* Ita ut possint hi pauciores in tali casu vel statim, eodemque contextu, decretum electionis suae, si in ea persistant, promulgare, vel novum Scrutinium inchoare, exclusis illis, qui indignum scienter elegerunt. Si vero omnes deliquerunt indignum eligendo, potestas providendi, in Metropolitanis, & Cathedralibus Ecclesiis ad Summum Pontificem, pro ea vice, de jure antiquo devolvitur, uti & in Ecclesiis inferioribus ad eum superiorem, cujus est electum confirmare, *c. quamquam 18. h. t. in 6.* Quae devolutio etiam fit in eo casu, quo in secunda electione delinquant, indignum eligendo, qui in prima electione non deliquerunt, cum in tali casu etiam poenam privationis incurrant *c. bona 23. juncta Gloss. V. & non h. t.* quae tamen poena, nec ab his, nec ab illis incurritur, nisi subsequuta sit communis electio, ex votis male eligentium, ita ut, quamvis Scrutinium publicum sit, poenam tamen hanc non incurrant, sed ad aliud Scrutinium procedere possint, cum verba poenalia non loquantur de solo Scrutinio indigni, sed de electione indigni,

ut constat etiam ex *cit. Capit. perpetuo 7. h. t. in 6.* possunt tamen, si volint, qui soli habiles sunt in tali casu eligendi Praelati, etiam illos ad coeligendum admittere, qui propter indigni electionem pro illa vice privati sunt jure eligendi, uti notat *Gloss. in c. cum Vincomensis 25. V. admiserant. h. t.* Cum privatio talis fiat in favorem dignè eligentium, cui cedere possunt, sive tamen ad hanc secundam electionem gratiose admissi fuerint, qui propter indigni electionem pro ea vice jure eligendi privati fuerunt, sive exclusi fuerint, ad tertiam tamen electionem, si tertia facienda est, eo quod secunda effectum suum sortita non fuerit, admitti debent, ut Pontifex decidit in *cit. c. cum Vincomensis 25. h. t.* cum isti suspensi non sint ab officiis, quorum actus est electio, sed jure eligendi tantum sint privati pro una vice.

§. VIII.

De Electione à Capitulo facta in discordia, concurrente postulatione; facta, partim de persona digna, partim de indigna.

SI postulatio, & electio concurrant in discordia, ita ut aliqui Capitularium v. g. eligant, alii postulent aliquem, ut admitti possit postulatio facta de digno, rejecta electione, requiritur, ut duae partes postulantium in postulandum consentiant, prout superiore *tit. §. 4.* jam dictum, & habetur in *c. scriptum 40. h. t.* si vero indignum postulaverint duae partes, quem ignorabant tamen indignum, eligentium vero tertia pars, vel minor etiam dignum elegerint, reprobatur tam postulatio quam electio, illa quidem, quia